

肥鄉縣志卷之七

學校

宗儒重道美富瞻數仞宮墻建學明倫簡拔儲三升俊秀而始遭兵燹繼比波臣吏茲土者締造相循規模漸備得尺得寸積累頗歷夫歲年肯堂肯構輸與重新夫廟貌學博得栖身之地諸生有藝菊之區所以端士習而振文風者何以無負化導之任乎志學校

儒學

在縣治東南宋天聖四年建熙寧元年知縣李其建

有碑詳藝文

宣靖間燬於盜金泰和四年主簿張利用重建

有碑詳藝文

肥鄉縣志

卷七

學校

一

校廢無存

元至正乙酉知縣張暉修

有記詳藝文

明洪武三年知縣韓

淑暉永樂十一年主簿鄭傑增葺宏治十四年知縣錢朝鳳

重修正德四年知縣李幹塑聖像七年圯於水十一年知縣

張傳古重塑像嘉靖元年知縣呂渭奉旨易木主十五年知

縣趙廷瑞復新之

有記詳藝文

後領圯本府通判毛汝麟攝縣重

修隆慶元年四年知縣李斌陳明經重修萬歷十二年知縣

廉靖重修天啟二年漳水入城惟大成殿及戟門巍然獨存

四年知縣李芳英重建兩廡五年知縣譚誠言重建靈星門

泮池崇禎九年知縣侯君招改建鄉賢名宦祠於戟門之左

右十年本府同知范志懋重建啟聖祠益兩楹加配廡祀周

子及諸儒空子本朝順治十三年知縣李文盛重修大成殿  
及門墻東廡典史趙謙修之兩廡教諭牛炳星修之康熙四  
年同圯於水雍正十年知縣王建中卽舊址重建大成殿五  
楹兩廡五楹前戟門又前靈星門門外泮池上跨石橋三座  
左右二坊照壁圍墻乾隆三十七年知縣戴棻勸捐重修  
詳藝文道光十年閏四月地震廟宇垣墻塌卸甚多十一年知  
縣汪玉海勸捐重修有碑詳藝文咸豐七年教諭劉鳳喈劉楓林  
勸捐重修工未畢而蝗大至因此止工同治三年知縣楊毓  
楠囑教諭趙文濂續修有碑詳藝文

崇聖祠

肥鄉縣志

卷七

學校

二

在大成殿後在東北隅雍正九年知縣王建中移建乾隆三  
十七年知縣戴棻重修道光十二年知縣汪玉海重修同治  
三年教諭趙文濂重修

名宦祠

在戟門左祀韋景駿郭進郭諮李彥祥錢朝鳳李幹郭謙陳  
府潘鑪余炯章滂毛汝麟陳明經李栻曹司宰周汝瀾朱宏  
祚朱昌祚格爾古德梁忠于成龍沈朝鳳趙宏燮于成龍李  
蔭祖邵嗣堯

鄉賢祠

在戟門右祀程嬰肥義趙勝宋弁宋翮宋世景馮元與李炳

李沆李維賢張鏞鄭賢郭謙蔣勛郭忠郭郊郭杜春郭  
部張應麒張學顏郭崇嗣賀君恩游鯉化李杜府志無程巽  
游鯉化李杜

明倫堂

舊在大成殿東北雍正十年知縣王建中仍在原址建修十  
二年知縣宋鏗重建乾隆三十七年知縣戴棻重修嘉慶二  
十二年知縣姜人烈教諭任克閭訓導徐掄可補修同治三  
年教諭趙文瀛重修並齋房大門二門腰墻

敬一亭

舊在大成殿後久廢雍正十二年知縣宋鏗改建於明倫堂

膠州縣志

卷七

學校

三

後嘉慶二十二年知縣姜人烈教諭任克閭訓導徐掄可補  
修同治元年傾圮二年紳士張廷昭王琴堂張夢星李占魁  
勸公項重修作圍練局並添建耳房四間

有記詳  
藝文

文昌閣

舊在明倫堂後卽尊經閣舊地明知縣曹司宰建天啟二年  
衝塌乾隆五年知縣楊理範改建於大成殿左後知縣歐陽  
允許廷筆繼成之嘉慶八年知縣魏廷鑑勸捐重修

有碑詳  
藝文

同治三年教諭趙文瀛補修尊經閣在祠上

魁星樓

在城東南隅久廢乾隆九年知縣鄒雲城重建三十二年重

修嘉慶八年移建東城礮臺後漸傾圮同治元年知縣楊毓楠仍移建東南隅

進德修業齋

在明倫堂前各五間東西相向久廢後補建各三間

號房

舊在明倫堂前十五間久廢

教諭署

舊在明倫堂後見舊志久廢雍正九年知縣王建中創建在崇

聖祠左正房三間西耳房二間兩廂房各三間二門外書房

三間大門外門斗房二間同治元年教諭趙文濂補修

肥鄉縣志

卷七

學校

四

訓導署

一在明倫堂左一在明倫堂右見舊志久廢雍正九年知縣王

建中創建在崇聖祠右正房三間東耳房二間兩廂房各三

間二門外書房二間馬棚二間同治元年訓導陳鴻誦借俸

重修大門外書辦房門斗房各三間今廢

射圃亭

在崇聖祠東南後改建南司以供上舍駐節今改建節孝祠

崇德書院

舊在李文靖公祠西明隆慶間知縣李斌建有碑詳藝文久廢改

建察院亦廢今昭龍廟卽其地也

振武書院

舊在城西南馬神廟地後廢為池明知縣郝綱重修

有記藝文未載

今不廢傳

清漳書院

乾隆十年知縣饒昌緒創建知縣鄭大進增修蓋因崇德書

院傾圯移建於此也

有碑詳藝文

道光十一年知縣汪玉海籌畫

經費每牌派錢二十千共錢一萬一千串發與商行息

有碑詳藝文

調任邢臺始而借用繼而干沒涉訟半年化為烏有同治

二年十二月知縣楊毓楠將入官叛產撥入書院六頃二十

九畝八分二厘每畝租價錢八百文除去錢糧餘錢以充書

肥鄉縣志

卷七

學校

五

院公費但為數無多僅敷生童獎賞膏火及一切雜費延請

山長無款可籌五年知縣李鵬展撥入書院十五村免去一

切公私差徭每年每牌派錢三十五千而書院之經費始敷

有碑詳藝文

並詳府立案

義學

入官馬厰地二頃三分六厘每畝租銀四錢崇德書院地六

十畝每畝租銀三錢向歸崇德書院經費之用書院在李文

靖公祠西祠堂書院傾圯兩項租銀歸入交代歷任支使無

存道光三年藩司札提知縣沈蓮生稟請歸入新建義學以

充經費藩司批准在案先生束修大錢二千五百文節禮大

錢二千文常用每年大錢七千五百文按三節支送肄業蒙  
童以十六人爲率以示限制義學在城西南庫吏李姓人官  
之房也道光十四年知縣趙逢年借與前任典史吳竟成作  
公館吳竟成病故其家人居住漸就傾圮僅餘正房三間西  
房三間同治二年知縣楊毓楠逐其家人動公款修築墻垣  
建立房宇正房三間因舊修補前添西房三間重新蓋造仍  
作義學

### 社學

舊建五處一在遺愛亭一在文靖公祠一在八蜡廟一在文  
殊寺一在府館右俱久廢後建七處一在城隍廟東有地三  
十二畝雍正間知縣王建中置一在賈兒庄一在屯庄營一  
在屯子堡一在北高村一在積善村一在黃兒寨

### 學田

有地二頃十六畝七分六厘三毫每畝徵銀不等共徵銀三  
十兩一錢一分九厘由縣徵收送學

### 學額

廩生二十名 增生二十名 文童入學十八名 武童入  
學十五名